

宋槧太平御覽



403
11



13
403
11



太平御覽卷第四十七

地部十二

會稽東越諸山

石城山	靈石山	涓山	覆釜山	小白山	緡山	烏帶山	銅牛山	重山	龜山	稷山	麻山	秦望山	雞豕山	獨女山	塗山	陳音山	洛思山	白石山	椒山	天姥山	石新婦山	石公山	畢嶺
金勝山	臨海山	白鶴山	石簣山	縉雲山	龍頭山	土城山	亭山	羅山	嶧山	秦望山	雞豕山	鶴山	雞豕山	獨女山	塗山	陳音山	洛思山	白石山	椒山	天姥山	石新婦山	石公山	畢嶺
長山	岷門山	仙石山	括蒼山	桃都山	壇讌山	亭山	亭山	羅山	嶧山	秦望山	雞豕山	鶴山	雞豕山	獨女山	塗山	陳音山	洛思山	白石山	椒山	天姥山	石新婦山	石公山	畢嶺



新念圖書

此係明治八年八月廿一日
所購以贈
田中



田中

- 銅山 崑山 騎石山 江郎山
- 石室山 天階山 太湖山 孤山
- 泉山 梨嶺 武夷山 闕干山
- 雞巖 烏嶺山 金泉山 演泉山

越絕書曰稷山者勾踐齋戒臺也

麻山

越絕書曰麻山者勾踐欲伐吳種麻以為弓弦

雞豕山

越絕書曰雞豕山者越將伐吳養雞豕於此山以食死士

獨女山

吳越春秋曰獨女山者諸寡婦女淫佚犯過皆輸此山上
越王將伐吳其士有憂思者令遊山上以喜其意

龜山

吳越春秋曰怪山者琅邪東武海中山也一夕自來百姓
怪之故曰怪山形似龜體故謂龜山
孔擘會稽記曰城西門外百餘步有怪山越時起靈臺於
山上又作三層樓以望雲
會稽志曰龜山之下有東武里即琅邪東武縣山一夕移
於此東武人因徙此故里不動

秦望山

水經注曰會稽秦望山在州城正南為衆峯之傑涉境便
見史記云秦始皇登之以望南海自平地取山頂七里懸
磴孤危峭路險絕記云攀蘿捫葛然後能昇山上無甚高
木當由地迥多風所致山南有嵯峴中有大城越王無餘
之舊都也故吳越春秋云勾踐語范蠡曰先君無餘國在

南山之陽社稷宗廟在湖之南又有會稽之山古防山也亦謂之茅山也又曰棟山越絕云棟猶鎮也蓋周禮所謂揚州之鎮山矣山形四方多金玉下多珎石山海經曰夕水出焉南流注于湖吳越春秋稱山覆盎釜之中有金簡玉字之書黃帝之遺讖也山下有禹廟廟有聖姑像禮樂緯云禹治水天賜神女聖姑卽其像也山上有禹冢昔大禹卽位十年東巡狩崩于會稽因而葬之言烏爲之耘春銜拔草根秋啄其穢是以縣官禁民不得妄害此鳥犯則有刑無赦山東有湮井去廟七里深不見底謂之禹井云東游者多探其穴也秦始皇登稽山刻石記功尚存山側孫暢之述書云丞相李斯所篆也又有石簣山上有金簡玉字之書言夏禹發之得百川之理也又有射的山遠望山的狀若射候故謂射的射的之西有石室之爲射堂年

登否常占射的以爲貴賤之準的明則米賤的闇則米貴故嗔云射的白斛米百射的玄斛米千

水經注曰剡縣嵯山山下有亭亭帶山臨江松嶺森蔚沙渚平淨浦陽江之東北經始寧縣嵯山之嶠嶠壁立臨江

欹路峻狹不得併行行者牽木稍進不敢俯視嶠西有孤峯特上飛禽罕至嘗有採藥者沿山見涌溪尋上於山頂樹下有十二方石地甚方潔還復更尋遂迷前路言諸仙之所集讎故以壇讎名山嶠北有嶠浦浦口有廟廟甚靈驗行人及樵伐者皆先敬焉若相盜竊必爲蛇虎所傷北則嶠山與嵯山接二山雖曰異縣而峯嶺相連其間傾澗懷烟泉溪引霧吹陸風馨觸岫延賞是以王元琳謂之神明境事備謝康樂山居記

宋書曰張稷子嶮字四山稷初為剡令至嶮亭生之因名嶮字四山

塗山

郡國志曰塗山禹會萬國之所有石船長一丈云禹所乘者宋元嘉中有人於船側掘得鐵履一雙又會稽記云東海聖姑從海中乘舟張石帆至二物見在廟中又有周時樂器名鐸于銅為之形似鍾有頸映水用芒莖刺則鳴宋武修廟得古珪梁武初修之又得青玉印

重山

孔曄會稽記曰重山大夫種墓語訛成重漢江夏太守朱輔於山南立學教授今白樓亭處是也

羅山

孔曄會稽記曰諸暨縣北界有羅山越時西施鄭旦所居

所在有方石是西施曬紗處今名紵羅山王羲之墓有山足有石碑孫興公為文王子敬所書也

鶴山

孔靈符會稽記曰射的山西南水中有鶴山此鶴常為仙人取箭曾刮壤尋索遂成此山漢太尉鄭弘少貧賤以採薪為業嘗於山中得一遺箭羽鏃異常心甚怪之頃之有一人覓箭弘以還之又曰射的山半嶺有石室仙人射堂東高巖臨潭有石酌岫形甚圓明視之如鏡矣

陳音山

孔曄會稽記曰陳音山昔有善射者陳音越王使簡士習射於郊外死因葬焉冢今開冢壁悉畫作騎射之象因以名山

銅牛山

孔曄會稽記曰銅牛山舊傳常有一黃牛出山巖食草採
伐人始見猶謂是人所養或有共驅蹙之垂及輒失然後
知為神異

土城山

孔曄會稽記曰勾踐索美女以獻吳王得諸暨亭蘿山賣
薪女西施鄭旦先教習於土城山山邊有石云是西施澣
紗石

亭山

孔曄會稽記曰晉司空何無忌臨郡起亭山椒極望巖阜
其址猶存因號亭山

洛思山

孔曄會稽記曰永興縣東五十里有洛思山漢太尉朱偉

為光祿大夫時遭母哀欲卜墓此山將洛下冢師歸登山
相地冢師云去鄉既遠歸思常深忽極目千里北望京洛
遂縈咽而死葬山頂故以為名

烏帶山

孔靈符會稽記曰諸暨縣西北有烏帶山其山上多紫石
世人莫知之居士謝敷少時經始諸山往往遷易功費千
計生業將盡後遊此境夜夢山神語之曰當以五十萬相
助覺甚怪之旦見主人牀下有異色甚明澈試取瑩拭乃
紫石因問所從來云出此山遂往掘果得其利不賞

龍頭山

孔靈符會稽記曰上虞縣有龍頭山上有蘭峯峯頂盤石
廣丈餘葛洪學仙坐其上

壇讌山

孔曄會稽記曰始寧縣有壇讌山相傳云仙靈所讌集處
山頂有十二方石石悉如坐席許大皆作行列

白石山

孔曄會稽記曰剡縣西七十里有白石山上有瀑布水懸
下三十丈巖際有蜜房採蜜者以葛藤連結然後得至

小白山

名山路記曰小白山在會稽山陽城趙廣信以魏未入小
白山李氏服氣法又師左元放受守中之道後鍊九華丹
丹成服之太一遣迎今在東華宮為真人

縉雲山

郡國志曰括州即處州也括蒼縣縉雲山黃帝遊仙之處有孤
石持起高二百丈峯數十或如羊角或似蓮花謂之三天
子都有龍鬚草云群臣攀龍鬚所墜者

桃都山

郡國志曰台州桃都山上有大桃樹上有天雞日初出桃
樹天雞即鳴雞下聞之而鳴樹下有兩鬼持葦索取不祥
之鬼食之

椒山

郡國志曰越州椒山吳王遣木客入山求大木不得工人
憂思作木客吟一旦神木自生合抱長二十丈伐造蘇
臺

覆釜山

郡國志曰台州覆釜山云夏帝登此得龍符處有巨跡云
是夸父逐日之所踐

石簣山

賀循記曰石簣山其形似簣在宛委山上吳越春秋云九

山東南曰天柱山號宛委承以文玉覆以盤石其書金簡青玉爲字編以白銀禹乃東巡登衡山殺白馬以祭之見赤繡文衣男子自稱玄夷倉水使者謂禹曰欲得我簡書知導水之方者齋於黃帝之岳禹乃齋登石簣山果得其文乃知四瀆之眼百川之理鑿龍門通伊闕遂周行天下使伯益記之名爲山海經

開山圖曰禹開宛委山得赤珪如日碧珪如月長一尺二寸也

括蒼山

五岳圖序曰括蒼山東岳之佐命

登真隱訣注及吳錄云括蒼山登之俯視雷雨也

天姥山

郡國志曰天姥山與括蒼山相連石壁上有刊字科斗形

高不可識春月樵者聞簫鼓箛吹之聲聒耳元嘉中遣名畫寫狀於圓扇即此山也

消山

郡國志曰消山下有夫人祠山北湖陰又有消御史廟孤石聳出似婦人艷粧而坐

白鶴山

郡國志曰白鶴山者昔有白鶴飛入會稽雷門鼓中擊之聲震洛陽

臨海記曰郡西有白鶴山山上有池泉水懸溜遠望如倒掛白鶴因名掛鶴泉

又郡國志云漢未有徐公於白鶴山成道控鶴騰虛而去又有鶴掛嶺猶有翱翔之勢

仙石山

臨海記曰仙石山有館土人謂之黃公客堂兩邊有石步廊觸石雲起崇朝必兩有四竿筋竹風吹自垂空微拂石皆淨即王方平遊處也

石新婦山

臨海記曰新婦山亦名似人山土石悉紺色列石參差似人形遠望如鳥之俯仰宋文帝遣畫工模寫山狀時一國盛圖於白團扇焉

靈石山

臨海記曰靈石山者山有寺當孫恩作叛毀材木以為船舸山石即於空中自然而落賊每有所傷故曰靈石

臨海山

臨海記曰臨海山山有二水合成溪曰臨海一水是始豐溪一水是東女溪至州北兩溪相合即名臨海溪山因溪

名

郡國志曰嶠門山在海中腹有孔上達于頂有聲即大風

不風即水涌出必見大兵吳將平孔內有聲遠聞千里

石公山

東陽記曰石公山孤石望如石人坐其傍又有石如人狀似新婦着花履焉或名新婦巖

石城山

吳錄曰永康有石城山

海內南經云三天子都在閩西海北郭璞注云在新安歙縣東又引張氏土地記云東陽永康縣南四里有石城山上有小石城云黃帝曾遊此山即三天子都也

太平御覽

郡國志曰金勝山昔有人於此拾得金勝因以名之山有趙炳祠炳善方術廟至今無蚊蟲三天平勝山有異苑曰孫權時永康人入山還得大龜烹之不爛即此山也

長山

郡國志曰長山相連逕三百里一名金華山即皇初平初起遇道士教以仙方處吳錄地理志曰常山仙人採藥處謂之長山山南有春草巖折竹巖巖間不生蔓草盡出龍鬚云赤松羽化處又有似龍鬚而龐大者名為虎鬚不中為席但以其蓑為燈炷又抱朴子云左元放言金華山可以合神丹免五兵洪水之患又按輿地志云金華山連亘三百餘里

畢嶺

輿地志曰東陽畢嶺之下有錢嶺往往人於嶺下獲大錢今俗謂之錢嶺

銅山

東陽記曰銅山下有泉水色鮮白號為銅泉又按異苑曰吳時有軍士五百人破洞得一銅釜將欲破之水從中暴發遂成湖以溺人皆死於此

崑山

東陽記曰崑山頂上有一孤石高可三十丈其形如甌人謂之石甌

騎石山

郡國志曰騎石山如人騎馬而無頭昔有神巫以印指馬馬頭即落則此山也

江郎山

郡國志曰江郎山有三峯峯上各有一巨石高數十丈歲漸長昔有江家在山下居兄弟三人神化於此故有三石峯在焉又有湛滿者亦居山下其子仕晉遭永嘉之亂不得歸滿乃使祝宗言於三石之靈能致其子靡愛斯牲旬日中湛子出洛水邊見三少年使閉眼入車欄中等閑去如疾風俄頃間從空隨恍然不知所以良久乃覺是家園中也

石室山

郡國志曰石室山一名石橋山一名空石山晉中朝時有王質者嘗入山伐木至石室有童子數四彈琴而歌質因放斧柯而聽之童子以一物與質狀如棗梅含之不復飢遂復小停亦謂俄頃童子語曰汝來已久何不速去質應聲而起柯已爛盡

天階山

建安記曰天階山在將樂縣南二十里山下有寶花洞即赤松子採藥之所洞中有石鸞石蝙蝠石室石柱并石臼石井俗云其井南通沙縣溪復有乳泉自上而滴人以服之登山頂者若昇碧霄故有天階之號

大湖山

建安記曰大湖山在浦城縣西南一百里一名聖湖山湖在山頂昔有採藥者止此湖畔見滿湖芙蓉涉水採之乃石也亦有禽鳥遠望如飛近視則石

孤山

建安記曰孤山在環瑋之間其地坦平悉是溝塍阡陌以此山挺然孤立因以名之

梁江淹為吳興令云此地有碧水丹山珍木靈草昔為淹

之勝境

泉山記曰山頂有泉分爲兩派一入處州一入建溪卽漢書朱買臣所謂東越王居保泉山一人守險千人不得上卽此山也

黎嶺

泉山記曰黎嶺因黎以名之記云南嶺下道東有鍾離古亭跡焉

武夷山

蕭子開建安記曰武夷山高五百仞巖石悉紅紫二色望之若朝霞有石壁峭拔數百仞於煙嵐之中其石間有木確礮斂箕籬箸什器等物靡不有之顧野王謂之地仙之宅半巖有懸棺數千傳云昔有神人武夷君居此故因名

之又坤元錄云建陽縣上百餘里有仙人葬山亦神仙所居之地

郡國志云漢武好祀天下岳瀆此山預祭故曰漢祀山

建安記曰闌干山南與武夷山相對半巖有石室可容六

千人巖口有木欄干飛閣棧道遠望石室中隱隱有床帳按几之屬巖石間悉生古柏懸棺仙葬多類武夷

雞巖

建安記曰雞巖隔澗西與武夷山相對半巖有雞窠四枚石峭上不可登履時有群雞數百飛翔雄者類鷓鴣魏王泰坤元錄云武夷山澗東一巖上有鷄栖卽此是也

烏嶺山

烏嶺山記曰烏嶺峻極不通牛馬以其鳥居山連接因以

為名山頂曰鳥嶺地不眠半濕以其鳥嶺山嶽對因以
魏王泰坤元錄云邵武北有庸嶺一名鳥嶺北隰中有大
蛇為將樂令李誕女所殺者

建安記曰金泉山南枕溪有細泉出沙彼人以夏中水小
披沙掬之得金山之西有金泉祠

演仙山

建安記曰演仙山古老相傳云演氏鍊丹於此山竈之餘
基近猶存焉此山東面亦略通人逕山中出橋其味甘人
有食者即可攜之出山即迷道又有演仙水出此山當郡
城北為大河莫知其深淺兼下有暗竇入城流出於劍潭
居人資之常流不絕

太平御覽卷第四十七

太平御覽卷第四十八

地部十三

南楚諸山

靜山

驚磯山

黃鶴山

烽火山

雞翅山

闔閭山

印山

朔山

望夫山

翠屏山

九宮山

角山

鍾臺山

武昌山

樊山

西塞山

白雉山

鳳栖山

神人山

南昌山

松門山

馬當山

釣磯山

雞籠山

五女山

射的山

石印山

龍虎山

羊山

羅霄山

鍾山

望鳳山

昌山

石室山

黃唐山

儲潭山

赤石山

螺亭石山

上洛山

空山

金雞山

峽山

梓潭山

柴候峽

官山

君山

盤固山

歸美山

莫巨山

五章山

麻山

鄧公山

明府山

鶴嶺山

石虹山

洪崖山

靜山

江夏圖經曰靜山在縣東南一百一十里其山迴聳無連接曲澗清流茂林高峻可以息諸仁智栖遊羽客故名靜山

驚磯山

江夏圖經曰在縣東九十里其山無連接西南俯臨大江下有石磯波濤迅急商旅驚駭故以為名

黃鶴山

江夏圖經曰在縣東九里其山斷絕無連接舊傳云昔有仙人控黃鶴於山因以為名故梁湘東王晉安寺碑云黃鶴從天而夜響是也

烽火山

江夏圖經曰烽火山在縣東北四十里梁典云梁武征齊頓軍於此舉烽火相應故名烽火山

雞翅山

江夏圖經曰雞翅山在縣南八十里昔有金雞飛集此故名雞翅山

舊記云金水有金雞從雞翅山向南飛產金於此水改名

金水

闔閭山

武昌記曰昔闔閭與伍子胥屯衆於此山為城故曰闔閭

山 史記曰闔閭九年子胥伐楚

又春秋云子胥將兵破楚掘平王之墓皆屯軍於此山

青浦云金木印山

武昌記曰奉新縣有渚石臨水高三十丈上有字髣髴似

印故曰印山

輿地志云縣西有石臨水高三十丈有書字為印山此即

是也

武昌記曰朔山有竹長一十餘丈圍數尺常有聲天將雨

此竹鳴焉今無此竹

望夫山

輿地記曰望夫山上有望夫石石上曾生蕪菁遂以名山

上有石高三丈形如女人謂之望夫石

又記曰武昌郡奉新縣北山上有望夫石狀若人立者今

古傳云昔有貞婦其夫從役遠赴國難攜弱子餞送於此

山既而立望其夫乃化為石因以為名焉

翠屏山

輿地志曰江水入富池一百八十里得奉新上流三百里

有城山三面壁立一面峻極水是奉新大源本名石城山

天寶五載改為翠屏山

九宮山

武昌記曰九宮山西北陸路去州五百八十里其山晉安

王兄弟九人造九宮殿於此山遂以為名

武昌記曰天欲雨其山有聲如吹角以此為名

太平御覽 卷四十八 三

鍾臺山在縣東南一百里上有桃花洞洞側有李邕讀書之所荒基遺址石室花木猶在上有一石室臺上有一名鍾或時鳴響遠近皆聞故名鍾臺山其山晉安

武昌山

續搜神記曰晉武世宣城人秦精常入武昌山採茗遇一毛人長丈餘引精至山曲示以藜茗而後去俄而復還乃探懷中橘遺精怖負茗急歸

樊山

江夏圖經曰樊山西陸路去州一百七十三里出紫石英山東數十步有岡岡上甚平徹青松綠竹常自蔚然其下有小溪凜凜然常有寒氣故謂之寒溪有礧龍石謝玄暉詩云樊山開廣宴是也

又千寶搜神記云樊山若天旱以火燒山即致大雨今往往有驗
武昌記曰樊山孫權常獵於下見一媪問獵得何物荅曰只獵得一豹曰何不豎其尾言訖忽然不見權於後立廟祀之

西塞山

江夏風俗記曰西塞山高一百六十丈周迴三十七里峻嶒橫江危峯斷岸長波所以東注高浪為之西翻
表宏東征賦云浚西塞之峻嶒是也
又江表傳云劉勳敗於彭澤走之入楚江聞皖已沒遂投西塞

白雉山

江夏圖經曰白雉山其山上有芙蓉峯前有師子嶺後有

金雞石西出金南出銅鈔自晉宋梁陳已來常置立爐冶烹煉

鳳栖山

江夏圖經曰鳳栖山西北陸路去州二百二十五里吳建興年中鳳皇降此山因以為名山有石鼓鼓鳴則雨降

神人山

曆帝記曰神人山吳建衡二年有神人乘白鹿從此山出因為名神人山

南昌山

豫章圖經曰南昌山者昔吳王濞鑄錢之山時有夜光遙望如火以為銅之精光

梁氏十道志云以豫章有銅山山中有洪井飛流懸注其深無底是也山有洪崖先生鍊藥之井亦號洪崖山有石

曰存焉

松門山

豫章圖經曰松門山者以其山多松遂以為名北臨大江及彭蠡湖山上有石鏡光明照人謝靈運入彭蠡湖口詩云攀崖照石鏡牽葉入松門是也

馬當山

九江記曰馬當山高八十丈周迴四里在古彭澤縣北一百二十里其山橫枕大江山象馬形迴風急擊波浪涌沸舟船上下多懷憂恐山際立馬當山廟以祠之

釣磯山

異苑曰釣磯山者陶侃嘗釣於此山下水中得織梭一枚還掛壁上後化成赤龍從室而去其山石上猶有侃迹存焉

雞籠山

郡國志曰江州雞籠山山上石雞冠距如生有道士李鎮住此山下常賞翫之雞一旦自毀鎮曰雞既如此吾其終乎果卒

五女山

郡國志曰江州五女山始皇死五女葬此山天昏每聞箏笛之聲

射的山

郡國志曰射的山者古老相傳云上有玉在石壁內南面遙望似有白麕曾有胡人來取上山後遇風雨不果得今遠望頗似射候故名射的焉

石印山

吳志曰天璽元年鄱陽郡言歷陵山石有文理成字巫言

石印神有三郎皓遣使以大牢祭并印緩拜三郎為王
又按江氏記云歷陵有石印山臨水高百丈有七穿駢羅穿中色黃赤相續因謂之石印山

龍虎山

信州圖經曰龍虎山在貴谿縣二山相對谿流其間乃張天師得道之山

羊山

宋永初山川記曰商安縣西有羊山山有燃石黃白而理麓以水灌之便熱若石炭以鼎置之烹煮可熟

羅霄山

王孚安成記曰萍鄉羅霄山澤水所出水傍出石乳天旱吏人禱之因以大木長三四丈投井中即雨水縣湊井溢輒令木涌出而雨止蓋潛龍之穴也以陽居陰神精上通

故扣之而必有玄感則蜀都賦云應鳴鼓而與雨者也
裴子野宋略曰永嘉元年鍾山因洪水有鍾從山流出時
人得之送上驗銘云是秦時樂器因以為名

又安成記云鍾山臨水阻峽春夏則湍洑涌沸瀆上白沙
如米兩岸石上各九十餘里以之候歲若一岸偏饒則其
方豐穰民以為準

望鳳山

宜春圖經曰望鳳山在州西北七十里上有一峯遠觀似
鳳以此為名

昌山

宜春圖經曰昌山在州東六十里舊名傷山周迴連延一
十八里表江流於其間巨石枕崎潺激舟人上下多傾覆

故名傷山顧野王輿地記云時人以傷為非善徵乃改為
昌山
石室山
宜春圖經曰郡有石室山山有數石室相連高十餘丈皆
相似素壁若雪萬像森羅於其所因以為名

黃唐山

輿地志曰贛縣黃唐山有石室如數千間屋上通天窻下
有方榻者二石人中櫛而坐傍有小石室七所相通悉有
石人室前時有車馬跡春夏草不生無諸毒蟲林木繁茂
水石幽絕蓋靈仙窟宅也山下居人每兩日輒聞山室有
笳鼓簫樂之音

鄧德明記云有石子如彈丸聚在山角至兩日不復見他
日復有其山獨立高一千三百丈相傳以石室呼為黃唐

廟因以名焉

南康記曰儲潭山俯臨清潭有儲君廟因以名焉

輿地志云咸和二年刺史朱偉所立常有漁者釣於此潭得金鎖繫引舟中向數百丈忽一物隨鎖而來其形如水牛眼赤角白及見人驚駭拽走而漁者以刀斷得數尺不知其所由然也

赤石山

南康記曰赤石山大石連聳粲若舒霞山角多赤石有玉房瓊室者舊相傳云宋元嘉年中有入自稱安道士者不知何許人披服巾褐栖於此山中數十年忽失所在其後有人時復見者天寶六年初改爲玉房山

螺亭石山

南康記曰螺亭山有大石臨水號曰螺亭云昔有貧女暮宿於亭採螺忽夜中見衆螺張口亂噉其肉貧女乃死其伴因殞水傍其冢化爲巨石螺殼無數號曰螺亭石山

輿地志曰虔州上洛山多木客乃鬼類也形似人語亦如人遙見分明近則藏隱能斫杉枋聚於高峻之上與人交市以木易人刀斧交關者前置物枋下卻走避之木客尋來取物下枋與人隨物多少甚信直而不欺有死者亦哭泣殯葬嘗有山行人遇其葬日出酒食以設人山中有石墨可書

空山

南康圖經云空山晉咸康五年太守庾恪於山西麓中建立神廟歷代祈雨最有靈應

按郡國志云空山在郡南山多材木果實食物一郡皆資此山雖名空山其出物百倍於他山

金雞山

南康記曰金雞山臨貢水石色如霞其傍有穴廣四尺一石正當穴口如彈丸嘗有金雞出入此穴晉義熙中再三出見有人挾彈放丸於穴口化為石其雞至今不見因號曰金雞穴宋永初中又見棲翔於此

峽山

南康記曰峽山上時有夜光飛焰遙見若火焰燎于原從峽沂流數十里有石臨水名曰蛟窟天寶六載勅改名夜光山

梓潭山

南康記曰梓潭山有大梓樹吳王令都尉蕭武伐為龍舟

槽斫成而牽引不動占云須童男女數十人為歌樂乃當得遂依其言以童男女牽拽槽沒于潭中男女皆溺其後天晴朗淨髮髯若見人船焉夜宿潭邊或聞歌唱之聲因號梓潭焉

柴候峽

南康記曰柴候峽山漢靈帝時有劉叔喬避地於茲死葬村側自云柴候墓晉末喪亂有發其塚者忽有大風雨棺及松柏悉飛渡水移上此峯其棺乃化為石因是而名之

官山

南康記曰官山者天寶六年改名珠玉山其山高峻有善鳥香草嘗有人於此山見大珠玉相傳謂之官山

君山

南康記曰君山翠麗鮮明遙若臺榭名曰嫺宮亦曰女姥

石山去盤固山五十里上有玉臺方廣數十丈上有自然石室形風雨之後景氣明靜頗聞山有鼓吹之聲

南康記曰盤固山有大銅人常守之按此石

井五百年水一涌起高數丈銅人以手掩之其水即止其山盤紆峻嶒因號為盤固山焉

南康記曰歸美山

高數百丈遠望嵯峨靈闕騰空故老謂之神闕其山有水出焉四面嶮峻自然有石城高數十丈周迴三百步又有石峽左右高五六十丈勢若雙闕其狀入雲復有古石室色如黃金號為金室有鸚鳥形色鮮潔自愛毛羽其隻者或鑿水向影悲鳴自絕方知孤鸞對鏡為不虛矣山頂有杉枋數百片高危懸絕非人力所及焉

荀伯子臨川記曰

莫巨山不產中亦不產平城巖容豈巖風雨洗訖晴日遍體潔朗如玉瑩淨民以為準焉

荀伯子臨川記曰

五章山絕巖嶮峭有蜜蜂依之為房其形如笠採者皆懸磴數十丈然後獲之

荀伯子臨川記曰

麻山或有登之者望廬岳彭蠡皆在其下有黃連厚朴恒生焉又有楓樹及數千年者如人形眼鼻口全而無臂腳入山往往見之或斫之者皆出血人以籃冠其頭明日看輒失籃俗名楓子鬼其山竹木稠密如麻因名麻山天寶六年職方奏改名豐材山焉

鄧公山

信州圖經曰鄧公山在縣北本名銀山因鄧遠為鄧公場儀鳳二年祭山山頽陷焉按開山記云摠章二年邑人鄧遠經刺史豆盧公陳開山之便尋為山陷後人立鄧公廟焉

明府山

信州圖經曰明府山在縣東其山久晴不雨山或自鳴必有大雨久雨不晴欲晴自有煙霧蓋其頭古老相傳祈請有驗

鶴嶺山

信州圖經曰鶴嶺山自貴溪縣界崗阜鱗次北入縣境嶺上多松樹有鶴巢因得名為鶴嶺山

石虹山

鄱陽記曰石虹山有石室中有石砥平如牀可容置數百

人旁列石鄣如屏風篆書為八十三字有橫石跨水而渡文彩青赤若虹蜺因名為石虹山

洪崖山

豫章記曰按舊經云古老相傳昔有洪崖先生者居此山上故以為名又列仙傳云洪崖山者山之陽有洪唐寺山中有洪崖壇每亢旱禱於此

太平御覽卷第四十八

太平御覽卷四十九
 地部十四
 西楚南越諸山
 荆山 荆門山 勾將山
 虎牙山 孤山 高筐山 佩山 佷山 鳳塞
 宜陽山 丹山 小酉山 芋山 景山
 嵩梁山 崇山 武山 壺頭山
 天門山 黃聞山 風門山 石帆山
 虎齒山 移山 淳于山 武陵山
 平都山 陽岐山 高都山 君山
 小廬山 靜福山 方臺山 攸縣雲陽
 石鷲山 萬歲山 黃箱山 麓山

太平御覽卷第四十九

地部十四

西楚南越諸山

荆山 荆門山 勾將山
 虎牙山 孤山 高筐山 佩山 佷山 鳳塞
 宜陽山 丹山 小酉山 芋山 景山
 嵩梁山 崇山 武山 壺頭山
 天門山 黃聞山 風門山 石帆山
 虎齒山 移山 淳于山 武陵山
 平都山 陽岐山 高都山 君山
 小廬山 靜福山 方臺山 攸縣雲陽
 石鷲山 萬歲山 黃箱山 麓山

昭山	五溪山	錢石山	采玉山
玉山	臨賀山	馬嶺山	彈丸山
百丈山	灑山	隱山	獨秀山
南溪山	龍蟠山	堯山	雲母山
馬鞍山	慮山	火山	浮石山
天門景山	黃岡山	風門山	下荆山

盛弘之荊州記曰景山在上洛縣西南二百里東與荆山
 連接有沮水源出焉其山一名鴈浮山荆山之首曰景山
 鴈南翔北歸徧經其上土人由茲改名為鴈山又為鴈塞
 山
 西晉南荆山
 山海經曰荆山首曰景山金玉是出此即卞和抱璞之處
 南連青山北接鴈塞通林交麓峭峙相望雖群峯競起而

荆山獨秀卞和得玉於此山獻厲王王使玉人相之曰石
 也別其左足厲王薨獻之武王玉人相之又曰石也別其
 右足和抱其璞哭荆山之下
 河圖括地象曰荆山為地雌上為軒轅星

表山松宜都山川記曰南崖有山名荆門北對崖有山名
 虎牙二山相對其荆門山在南上合而下空徹山南有像
 門也
 表山松勾將山記曰登勾將山南望見宜都江陵近在目
 前沮潭沔漢諸山嶕嶭時見遠眺雲夢之澤晶然與天際
 四顧摠視衆山數千仞者森然羅列於足下千仞以還者
 崑崙如丘浪勢焉今在上洛縣西北

表山松宜都山川記曰虎牙山有石壁其文黃赤色有牙齒形
 郡國志曰安遠有陸抗故城城之南有孤山表山松為郡
 嘗登此山以四望見大江如縈帶舟船如鳧鴈焉

表山松勾將山記曰登勾將北見高篁山巖然半天○荆

州圖副云昔堯時大水此山不沒如篁因名焉

宜都記曰佷山谷之內有石穴穴出清泉水有神魚大者二尺小者一尺釣者先請多少拜先請之數滿便止水側有異花欲摘之者亦如魚請又有異木名千歲木葉似

棗冬夏青青復有蒼茫溪相近

宜陽山

宜都記曰宜陽山有風井穴大如甕夏出冬入有樵人置笠穴口風噏之後於長楊溪口得笠則知潛通也

宜都記曰丹山時有赤氣籠井如丹故有此名

小西山

盛弘之荊州記曰小西山上石穴中有書千卷相傳秦人於此而學因留之故梁湘東王云訪西陽之逸典是也

芋山

盛弘之荊州記曰芋山有蹲鴟如兩斛大食之終身能不飢今民取食之

嵩梁山

盛弘之荊州記曰嵩梁山在灃水之陽望之如香爐之狀
今名石門吳永安六年自然洞開玄朗如門三百丈門角
上各生一竹倒垂下拂謂之天帚孫休以爲嘉祥置縣因
山爲名隋文帝改曰石門山

崇山

盛弘之荊州記曰崇山書云放驩兜于崇山崇山在灃陽
縣南七十五里

武山

武陵記云武山高可萬仞山半有盤瓠石窟中有一石狗
形云是盤瓠之遺像又有班蛇四眼身大十圍山有水出
謂之武溪是也在縣之西

壺頭山

武陵記曰壺頭山在縣東馬援所穿室也室內有蛇如百

斛船云是援之餘靈

天門山

武陵記曰天門山上有葱如人所種畦壟成行人欲取之
先禱山神乃取氣味甚美不然者不可得巖中有書數千
卷人見而不可取

黃聞山

武陵記曰昔有臨沅黃道真在黃聞山側釣魚因入桃花
源陶潛有桃花源記今山下有潭立名黃聞此蓋聞道真
所說遂爲其名也

風門山

武陵記曰風門山有石門去地百餘丈每將欲風起此門
先有黑氣若煙隱隱而上斯須風起竟人

石帆山

武陵記曰石帆山石危起若數百幅帆形

虎齒山

武陵記曰虎齒山形如虎齒民嘗六月祭之不然即輒有虎害

移山

武陵記曰移山在汧陽界本在江北崖因風雨之勢一夕移渡江南岸後以此名之

淳于山

武陵記曰淳于山與白雉山相近在辰州武陵二郡界絕壁之半有一白雉遠望首尾可二丈申足翔翼若虛中翻飛即上視之乃有一石雉舒翅綴着石上山下有石室數畝望室裏雖闔猶見銅鐘高丈餘數十枚其色甚光明

武陵山

武陵記曰武陵山中有秦避世人居之尋水號曰桃花源

故陶潛有桃花源記

又云山上有神母祠

神仙傳云後漢延光元年陰長生於馬明生邊求仙法乃

將長生入青天山中煮黃土為金以示之立壇啜血取太

清神丹經授之乃別去長生後於平都山白日昇天即此

山是也

山在南賓縣北二里

荆南記云石首縣陽岐山山無所出不足可書本屬南平

界○范玄平記云故老相承云胡伯始以本縣境無山此

山上計借簿

高都山

江源記云楚辭所謂巫山之陽高丘之阻高丘蓋高都山也

博物志云君山洞庭之山是也帝之二女居之曰湘夫人帝女遣精衛至王母取西山之玉印印東海北山

庚穆之湘州記云昔秦皇欲入湘觀衡山而遇風浪溺敗至此山而免因號為君山又荆州圖副云湘君所遊故曰君山有神祈之則利涉山下有道與吳包山潛通止有美酒數斗得飲者不死

漢武帝故事云帝齋七日遣樂賓將男女數十人至君山得酒欲飲之東方朔曰臣識此酒請視之因即便飲帝欲殺之朔曰殺朔若死此為不驗如其有驗殺亦不死帝赦之

小廬山

衡山圖經曰小廬山一名浮丘山在縣西一百八里高六里三十步東西二十里南北四十里言其山似九江廬山故曰小廬山

又古老相傳謂浮丘公上昇之所兼有道觀存焉

衡山圖經曰靜福山在縣北五十里有梁廖冲者守清虛

為本郡主簿西曹祭酒湘東王國常侍大同三年家於此山先天二年飛昇於此山後刺史蔣防敬慕高風刻石為碑

蕭誠荆南志曰華容方臺山山出雲母土人採之先候雲所出之處於下掘取無不大獲往往有長五尺者可以為

屏風當掘之時忌有聲響則所得麓惡
魏晉書云攸縣雲陽山山出雲母土人射之或射雲
 遁甲經云沙土之地雲陽之墟可以避時可以隱居雲陽
 氏古之仙人姓氏因號雲陽山在攸縣仙方記云南嶽山
 有福地有松膏實甘鮮可餌相傳云服食練行之人多來
 採此松膏而服之不苦澀與餘處松有別
 湘川記云汝城縣東有烏龍白騎山遠望似城有黑石如
 龍白石如馬羅列號曰烏龍白騎山

文斤山

湘川記云來陽文斤山上有石牀方高一丈四面綠竹扶
 踈常隨風委拂此牀天旱則禱雨時應

石鷺山

甄烈湘州記云石形似鷺大小如一山明雲淨即翩翩飛
 翔。羅含湘中記云石鷺在零陵縣雷風則群飛翩翩然
 其土人未有見者今合藥或用
 萬歲山
 盛弘之荆州記曰桂陽萬歲山出靈壽草仙方服之不死
 又有話石山石有聲如人共話
 黃箱山
 盛弘之荆州記曰黃箱山一名黃岑山在東南三十里其
 山郁水所出即是五嶺之一從東第二騎田嶺是也又有
 浪井井三日一涌
 麓山
 盛弘之荆州記曰長沙西岸有麓山其下有精舍左右林
 嶺環迴泉澗精舍傍有礫石每至巖冬其上不停霜雪

宗淵麓山記云山足曰麓蓋衡山之足也

昭山

宋永初山川記云昭山下有旋潭深無底是湘水最深之處昔有人舟覆於此潭其槽並甌有名題號後於洞庭尋得卽知暗通也

五溪山

長沙圖經云五溪山在縣西北五十八里高二里北入朗州界昔吳黃龍三年潘濬將兵五萬討武陵五溪蠻在此山下立營截除徒黨因以爲名按溪水自邵州武剛縣東北流至岳州沅江縣合益水益陽城記云在益水之陽水出縣北流入資口在縣門橋下皆五溪之下口也又按關羽屯軍資水北岸卽一名茱萸江也吳甘寧拒之云聞吾咳唾羽即不敢過江是此處今號爲關羽瀨

錢石山

湘川記云曲江縣東有錢石山其狀四方有若臺其石三面壁立其上碎石如錢故謂之錢石山

采玉山

湘川記曰曲江縣有採玉山卉木滋茂泉石澄澈相傳云古採玉於此得名

玉山

湘川記曰玉山下有廟曾有人得玉瑛於此有銀山白石山越玉山又浮山其地躡一處則百餘步地動

臨賀山

盛弘之荊州記曰臨賀山東山中有二竹大數十圍有盤石徑四五丈極方正青如彈棊局兩竹屈垂拂掃石上絕無塵穢未至數十里間風吹簫管之音

郡國志郴州馬嶺山本名牛脾山山上有仙人蘇耽壇即
 郴人也為兒童時與眾童牧更直守牛每耽守牛牛不敢
 散嘗與眾兒獵即乘鹿人笑之曰龍也去郡百二十里母
 臨食耽往買鮮須臾即還一旦有眾賓來耽啟母曰受性
 當仙仙人合召耽去今年疾疫甚飲家中井水即無恙又
 種藥於園梅樹下可治百病賣此水及藥過於供養便去
 母遽視之眾賓皆白鶴也以耽常乘白馬故號馬嶺山

彈丸山

水經注曰臨桂彈丸山有湧泉奔流迅激東注于灘水山
 龕及溪中有石如彈丸因以石名焉驗其山有石竇下深
 數丈洞穴深遠莫究其極

百丈山

桂林風土記曰百丈山在郡城東北七十五里一名把杖
 山疊障深重連延西南數百里四接郡界莫窮遠近自府
 北驛路徑穿其中俗以崎嶇險阻故以百丈名之又以林
 巒深邃行人皆持兵仗以防猛獸因亦名把杖山

桂林風土記曰灘山在城南二里灘水之陽因以名焉一

名沈水山其山孤拔下有澄潭上高三百餘尺傍有洞穴
 其穴廣數丈南北直透上有怪石欹危藤蘿縈茂世亂民
 保以避寇旱或禱祀頗靈

桂林風土記曰隱山在州之西郊先是榛莽翳蒼古莫知
 者寶曆初李渤出鎮遂尋其源見石門半開有水淵澈乃
 夷蕪蕪穢疎通巖穴石林磴道若天造靈府不可根本因

號隱山越州縣大石林嶺昔天豈靈亦不何財本因
 春實感時幸獨秀山在城西北一百步直聳五百餘尺
 桂林風土記曰獨秀山在城西北一百步直聳五百餘尺
 周迴一里平地孤拔秀異下有洞穴疑垂乳竇路通山北
 傍迴百餘丈豁然明朗宋光祿卿顏延年牧此郡常於此
 石室中讀書遺跡猶存嘗賦詩云未若獨秀者嵯峨郭邑
 開是也

桂林風土記曰南溪山在縣之南五里餘其山聳拔千尺
 煙翠凝空古今所遺其溪東注與桂江合

龍蟠山本名盤龍山有石洞深致洞中天
 然石室石牀石盆洞門數重人秉燭遊常見龍跡大如椀

洞有水水中有魚四足有角如龍形人殺即風雨晦冥立
 至也前使李渤給事改爲隱山連其所也

堯山

郡國志云廣州堯山高四千丈自番禺交阯見之有颶風
 風發屋折樹翻湖焉

雲母山

續南越志云天后朝會城縣有何氏女服雲母粉得道於
 羅浮山山因所出以名之

馬鞍山

南越志云始皇朝望氣者云南海有五色氣遂發卒千人
 鑿之以斷山之岡阜謂之鑿龍令所鑿之處形如馬鞍故
 名焉

慮山

慮山在縣南其山有石穴穴中有一石如馬鞍狀

裴開廣州記云東官縣有慮山其側有楊梅山桃只得於山中飽食不得取下如下則輒迷路徑

嶺表錄云梧州對岸西火山山下水澄潭水深無極其火每三五夜一見于山頂每至一更初火起匝其頂如野花之狀甚者廣十丈餘食頃而息或言其下水中有寶珠光照于上如火上有荔枝四月先熟以其地熱故謂火山也

浮石山

交州記云海中有浮石山而峙高數十丈去永平營百餘里浮在水上昔李遜征朱崖欲審其實否牽長索於山底洞過

太平御覽卷第四十九

太平御覽卷第五十

地部十五

隴塞及海外諸山
隴山 小隴山 朱圉山 契吳山
可藍山 石門山 燕然山 天山
祁連山 焉支山 勿居山 臨松山
三危山 羊鵠山 西王母 樛蒲山
九隴山 鴻鷺山 沙角山 葱嶺山
巫咸山 秦皇懸度山 頭痛山 鐵山
青山 石崖山 疏屬山 命山
蛇山 東日山 流渡山 鈎吾山
天臺山 鵲山 小次山 長古山
基山 猥翼山 密山 直受山

者閣窟山 靈鳥山

中地天隴隴山下隴山則隴山不隴山 吳古山

說文隴山天水大坂也辛氏三秦記引俗歌云隴頭流水
鳴聲幽咽遙望秦川肝腸斷絕

又云震關遙望秦川如帶大

鄜元水經注云縣西山謂之小隴巖嶂高峻不通軌轍故

張衡四愁詩云我所思兮在漢陽欲往從之隴坂長是也

周地圖記云其山高處可三四里登山東望秦州可五百

里日極混然墟宇桑梓與雲霞一色其上有懸溜吐于山

中為澄潭名曰萬石潭流溢散下皆注於渭東人西役升

此而顧莫不悲思其歌云隴頭泉水流離西下念我行役

飄然曠野登高遠望涕零雙墮是此山也

太平御覽卷五十一 小隴山

三秦記曰小隴山一名隴坻又名分水嶺

漢書楊雄解嘲云響若坻頽應劭曰天水有大坂名隴山

其旁有崩落者聲聞數百里故曰坻頽

又曰其坂九迴上者七日乃越上有清水四注下有縣縣

因此水而名

朱圉山

漢書地理志曰天水冀縣有朱圉山一名曰巖山在縣南

梧中聚土地

十三州志云朱圉有石鼓不擊自鳴則兵起

契吳山

涼州記曰契吳山在縣北七十里赫連勃勃北遊契吳而

歎曰美哉斯阜臨廣澤而帶清海吾行地多矣自嶺已北

大河已南未有若斯之壯麗矣

可藍山

涼州記曰可藍山一名都盧山皆涇水源與斧頭山連亘赫連定勝光二年畋于涼州登可藍山望統萬城泣曰先帝若以朕承大業豈有今日在平涼縣縣接百泉界又云定據平涼登此山有群狐遶之而鳴射之竟不得一定乃歎曰咄咄此亦怪事也

石門山

酈元水經注曰離水又東經石門口山高險絕對岸若門故以得名疑即臯蘭山門也漢武元狩三年驃騎將軍霍去病出隴西至臯蘭謂是山之關矣

燕然山

漢書曰貳師引兵還至燕然山單于知漢軍勞倦自將五萬騎逐擊貳師軍大亂敗貳師降單于

范曄後漢書曰竇憲與單于戰於稽落山大破之降者前後二十餘萬人憲遂登燕然山去塞三千餘里刻石勒碑令班固作銘

天山

漢書曰漢使貳師將軍將三萬騎出酒泉擊右賢王於天山得首虜萬級而還

又曰且西彌國王治天山東大谷去長安八千六百七十里

續漢書曰竇固出塞至天山斬首千餘級

水經注曰陰山故郎候應言於漢曰陰山東西一千餘里單于之苑囿也自武帝出師攘之於北漠匈奴過之未嘗不哭謂此山也

西河舊事曰天山高冬夏長雪故曰白山山中有好木鐵

匈奴謂之天山過之皆下馬拜在蒲海東一百里卽漢貳師擊右賢王之處也

山海經曰天山多金玉有雄黃菝水出焉而西流注于湯谷有神鳥狀如黃囊赤如丹火六足四翼渾沌無面目是

識歌舞實惟帝江天山今名折羅漫山在縣北一百里

九州要記曰涼州古武成郡有天山黃帝受金液神丹於此山山近崆峒山山頂有魏太祖馬埽焉

祁連山

漢書曰霍去病擊匈奴至祁連山濟居延水遂臻小月氏西河舊事曰祁連山在張掖酒泉二界焉支山在刪丹故縣東西百餘里南北二十里亦宜畜匈奴失二山乃歌曰亡我祁連山使我六畜不蕃息失我焉支山使我婦女無顏色

涼州記曰祁連山張掖酒泉二界之上東西二百里南北百餘里山中冬溫夏涼宜牧牛乳酪濃好夏寫酪不用器物刈草著其上不散酥特好酪一斛得升餘酥又有仙人樹行人山中飢渴者輒食之飽不得持去平居不可見

焉支山

漢書曰霍去病將萬騎出隴西涉狐奴水過焉支山千有餘里執渾邪王收休屠祭天金人

涼州記曰焉支山在西郡界東西百餘里南北二十里有松柏五本其水草茂美宜畜牧與祁連同一名刪丹山

句居山

後魏書曰張袞從太祖破賀訥登句居山聚石爲峯以紀功德命袞爲文

臨松山

十六國春秋曰晉元嘉元年張掖臨松山有石如張掖字掖字漸滅張字分明又有文曰初祚天下四方安萬年後魏大和中置臨松郡故城在此山下臨松山一名青松山一名馬蹄山又云丹松嶺

三危山

河圖括地象曰三危山在鳥鼠之西南與汶山相接上為天苑星黑水出其南

西河舊事曰三危山有三峯故曰三危俗亦為昇雨山在縣南二十里

尚書禹貢謂竄三苗于三危

又云導黑水至于南海水即自北而南經三危過梁州入南

西山經曰三危之山青鳥居之三青鳥主西王母取食者

別自棲息於此山也

羊鵲山

段國沙州記曰羊鵲山多巖石少樹木甚似魯國南鄒山傍山北行三十里遠眺顧瞻百里但見山嶺巉巖無尺木把草

西王母樗蒲山

崔鴻十六國春秋曰甘松山東北有西王母樗蒲山大有神驗江水出焉

段國沙州記曰羊鵲嶺東北二百里有大山遙望甚似東岳岱山極高大嶮峻嵯峨崔嵬頗有靈驗羌胡父老傳云是西王母樗蒲山

九隴山

周地圖記曰昔有神人坐張掖西方山上西射酒泉郡西

金山之白神射得九籌畫此山上遂成九隴因以為名九隴山

長西王莽執鴻鷺山

穆天子傳曰天子循黑水至于璧玉之山謂此也今名為鴻鷺山以山多鴻鷺所棲得名也

味隴石木山沙角山

三秦記曰河西沙角山峯嶠危峻逾於石山其沙粒麓有如乾糲又山之陽有一泉云是沙井綿歷今古沙不填之人欲登峯必步下入穴即有鼓角之音震動人足

又西河舊事云沙州天氣晴朗即沙鳴聞於城內

又云人遊沙山結侶少或曾遊即生怖懼莫敢前其沙或隨人足自頓下經宿卻自還山上

在縣七里亦名鳴沙山

葱嶺山

漢書曰西域三十六國而限葱嶺其河兩源一河出葱嶺山一出于寘國于寘國在南山下其河北流與葱嶺河合廣志曰葱嶺其山嶺生葱菹於常葱西域諸國志曰葱嶺高行十二日可至頂

巫咸山

西域志曰巫咸山一曰覆莫山

注水經云鹽水西北經巫咸山北

山海經云巫咸之神以右手操青蛇左手操赤蛇在葆登群巫所從上下也

又大荒西經云大荒之中有靈州巫咸巫即巫盼巫彭巫姑巫直巫抵巫謝巫羅十里巫從此昇降百藥爰在

郭璞云群巫上下靈山採藥往來也蓋神巫所遊故山得名

懸度山

漢書曰烏菴國有懸度者石山也谷磳不通以繩索相引而度又大頭痛山度則頭痛嘔吐驢畜皆然

頭痛山

漢書曰杜欽說大將軍王鳳曰蜀賓國自知絕遠兵不可至道又歷大頭痛山小頭痛山赤土身熱之阪道狹者尺六寸長徑三十里

漢書曰蜀賓國歷大頭痛山有三池盤石坂道狹者尺六七寸繩索相引乃度

廣志曰大頭痛山小頭痛山皆在蜀賓東

鐵山

漢書曰莎車國有鐵山出青玉穆天子傳曰天子西征至削居蟻閭氏乃命削閭氏供養六師之人于鐵山之下天

子祭鐵山

青山

水經注曰北地富平縣西河則有兩山相對水出其間即上河峽也世謂之青山河水歷峽北注枝分東出

石崖山

水經注曰塞外懸城有石崖山西去北城五百里山石上自然有文畫獸馬之狀粲然成著類似圖焉故亦謂之畫石山

疏屬山

山海經曰貳負之臣曰危與貳負殺竊窳帝乃梏之疏屬之山梏猶繫也桎其右足桎械也反縛兩手與髮約髮合繫之也山上磐石之下在開題西北漢宣帝時使人鑿上即發磐石室中得一人蹤保被髮莫能知劉子政案此言之宣帝大驚於是時人爭學山海

經矣論者多以爲是其尸象非真體也意識者以爲靈在
化論難以理測物稟異氣出於自然不可以常理推之可
以近數發之矣魏時有人發故周靈王冢得殉葬女子不
死至數日而有氣數月而能語狀如二十許女子人送詣
京師野大后愛養之恒不離左右十餘年
大后崩哀思哭泣一年餘而死即此類也

侖山論

山海經曰侖山者其山上有金玉下多青礪有木狀如穀
而赤理其汁如漆其味如飴食者不飢可以釋勞其名曰
白蒼或作皐蘇皐蘇一可以血玉血謂可用漆

蛇山

山海經曰北海之內有蛇山者蛇水出焉東入于海有五
采之鳥飛蔽一鄉漢宣帝元康元年五色鳥五采之鳥名
曰翳鳥鳳屬也離騷曰馳

東口山

山海經曰東口之山有君子之國其人衣冠帶劍役使虎豹好謙

讓有司幽之民帝俊生晏龍晏龍生司幽思士不妻思女
不夫言其人直思而氣通鬼合而生子此莊子食黍食獸
是使四鳥

流波山

山海經曰東海中有流波山入海七十里其上有獸狀如
牛蒼身而無角一足入水則必風雨其光如日月其音如
雷名曰夔黃帝得之以其皮作鼓檝以雷獸之骨雷獸即
龍身鼓其腹聲聞五百里以威天下

鈎吾山

山海經曰鈎吾之山其上多金其下多銅有獸焉羊身人
面而目在腋下虎齒人爪其音如嬰兒名曰貍鵠食人爲
貪婪食人未盡還害其身像
在夏后鼎古傳所謂饕餮也

天臺山

天臺山

山海經曰大荒之中有山名曰天臺海水入焉

鵲山

山海經曰鵲山其首曰招播臨于西海之上在南山之西頭濱西海也多桂桂葉似枇杷長二尺餘味辛白花叢生山草焉其狀如韭而青花其名曰祝餘或作程茶食之不飢有木焉其狀如穀而黑理穀精也其華四照華赤其光照地亦此類也其名曰迷穀佩之不迷

小次山

山海經曰小次山山上多白玉下多銅有獸如猿白首赤足名曰朱厭見則大兵

長古山

山海經曰長古之山無草多水有獸焉狀如禺而四耳名長古因以名之獸音如吟如人呻見則郡縣大水

基山

山海經曰基山其陽多玉其陰多金多怪木有獸焉其狀如羊九尾四耳其目在背其名曰縛池縛池二音有鳥焉其狀如雞而三首六目六足三翼其名曰鵠鵠鵠音食之無卧

猥翼山

山海經曰猥翼之山其中多怪獸水多怪魚凡言怪者皆不常也尸子云徐偃王好怪沒水而得怪魚入山得怪獸者爭列於庭

密山

山海經曰密山山上多丹木其葉赤莖黃花赤實味如飴食之不飢丹水出焉西注于稷澤稷澤山名之其中多白玉膏其源沸沸湯湯玉膏涌出之兒也河圖云少室山有黃帝是食是饗鼎湖而靈化也是生玄玉言玉膏中又玉膏出黑王也

所出以灌丹木丹木五歲五色乃清言鮮也五味乃馨言滋也
 黃帝取密山之玉榮謂玉也而投之鍾山之陰以爲玉瑾瑜之
 玉爲良言善也堅粟精密禮記緝密以粟或作粟濁澤有光
 濁謂潤也澤也五色發作以知柔剛天地鬼神是食是饗玉所以
 言能動天地言能動天地君子服之以衛不祥今傲外出金剛石金剛
 感鬼神也感鬼神也外國人帶之外國人帶之云辟惡氣也

山海經曰直受山

直受山音多水無草木不可以上言崇有

獸焉其狀如狸而有鬚其名曰類類或自爲牝牡食者不

妬化今類豬亦自爲雌雄也

法顯記曰耆闍窟山未至頂三里有石窟佛本於此坐禪

天魔波旬化作鷗鷺住窟前以恐阿難佛以神力隔石舒

手摩阿難頂怖即得止鳥跡手孔今悉在故名雕鷗窟山
窟前有四佛坐處

靈鳥山

支曇諦靈鳥山銘序曰昔如來遊王舍城憩靈鳥山舊云
其山峯似鳥而威靈故以爲名焉衆美咸歸壯麗畢備

太平御覽卷第五十

太平御覽卷第五十一
 地部十六
 石上
 釋名曰山體曰石石磳磳也磳音落堅捍磳也山多大石曰
 磳口學切磳學也大石之形學學然山多小石曰礧五交切礧
 堯也每石堯堯獨處而出也礧小石也磊雷罪切眾石也礧
 社浪文石也琅玕石似珠也出尚書注碣碣石似玉也出廣
 易曰困于石據于蒺藜石在水中所
 又說卦曰艮為小石
 書曰青州厥貢鈇松怪石孔安國曰怪
 又曰泗濱浮磬孔安國注云泗水濱涯也
 詩曰我心匪石不可轉也
 又曰漸漸之石維其高矣

太平御覽卷第五十一

地部十六

石上

釋名曰山體曰石石磳磳也

磳音落堅捍磳也山多大石曰

磳

口學切磳學也大石之形學學然山多小石曰礧

堯也每石堯堯獨處而出也礧小石也磊

雷罪切眾石也礧

社浪

文石也琅玕石似珠也

易曰困于石據于蒺藜

又說卦曰艮為小石

書曰青州厥貢鈇松怪石

又曰泗濱浮磬

詩曰我心匪石不可轉也

又曰漸漸之石維其高矣

又曰它山之石可以攻玉

禮曰昔者夫子居於宋見桓司馬自為石槨三年而不成
桓司馬宋向戌孫也名臧也夫子曰若是其靡也死不如速朽之愈也
又曰今夫山一拳石之多及其廣大草木生之禽獸居之
寶藏興焉

周禮曰王行洗乘石乘石王所登車之石也

又曰石有時而泐音勒石解散也

又曰大司寇以嘉石平罷民有罪者坐諸嘉石以肺石達
窮民凡勞獨老幼欲復於上而未達者立於肺石注曰嘉石文石也肺石赤石也

傳曰隕石于宋五隕星也注曰但直言星則嫌星使石隕故重言隕星

又曰齊高固入于晉師礫石以投人

又曰昭三年石言於晉魏榆晉侯問於師曠曰石何故言

對曰石不能言或憑焉不然民聽濫也抑臣又聞之曰作
事不時怨讎動於民則有非言之物而言今宮室崇侈民
力彫盡怨讎並作莫保其性石言不亦宜乎

春秋說題辭曰周易艮為山為小石石陰中之陽陽中之
陰陰精輔陽故山含石石之為言託立法也

史記始皇二十年星墜于東郡至地為石或刻其文曰始
皇死而地分始皇盡誅石旁人燔銷其石

又按說苑云石隕東郡是也

又曰王翦代李信擊荊州兵數挑戰終不出久之翦使人
問軍中戲乎對曰方投石超距翦曰士卒可用矣

又曰張良見老人出一篇書讀是則為王者師後十三年
見我濟北穀石山下黃石即我也良後果得黃石寶而祠
之及死并葬黃石伏臘祠之

又曰李廣出獵見草中石以爲虎而射之中石沒鏃視之石也因復更射之終不能復入石矣後漢書曰梁鴻妻孟光有力能舉石曰又趙岐曰吾死後置一圓石墓前刻曰漢有逸人姓趙名岐有志無時命也奈何謝承後漢書曰吳郡嬌皓文爲南郡太守坐事繫獄皓懷小石至公卿門輒出石叩頭流血覆面文遂得免東觀漢記曰涿郡太守張豐舉兵反初豐好方術有道士言豐當爲天子以五綵囊盛石繫豐肘云石中有玉璽豐信之遂以反旣當斬猶曰肘有玉璽推破之豐乃知被詐仰天歎曰當死無所恨魏略曰梁州柳谷有石無故自崩石有文如率馬之狀後司馬氏得天下之應

又曰大秦國石爲城郭山出九色玉石

魏志曰魏明帝增崇宮殿雕鏤觀閣鑿太行之石英採穀城之文石起景陽山於芳林園建昭陽殿於太極之北

又曰辰韓在馬韓之東兒生便以石押頭欲其扁今辰韓人頭皆扁

又曰公孫度爲遼東太守時生大石長丈餘下有三小石爲足

魏武帝末年鄴中雨五色石

王隱晉書曰永康元年襄陽郡上言得鳴石鐘聞七八里

又石勒傳曰初勒鄉里所居原上地中石生日長類鐵之象

又曰陳總遷殿中侍御史詔遣詣終南山請雨總先除小石祠唯存大石一所而祈之上文曰峩峩大石佐岳通理

合滋吐潤惠我四海

又曰孫子荆謂王武子曰當枕流漱石曰石非可漱流非可枕孫曰所以枕流洗其耳漱石礪其齒

晉陽秋曰董威輦遁去莫知所之於其寢所得一石及竹子并詩二首

齊書曰虞愿爲晉平太守海邊有越王石常隱雲霧相傳云清廉太守乃得見愿往觀視清澈無隱蔽

南史曰到激山池有奇礪石長一丈六尺梁武觀之輸焉即迎置華林宴居殿前移石之日都下傾城縱觀所謂到公石

趙書曰劉耀築建德殿取土城西得圓石狀若水碓其銘曰律推石重四鈞同律度量衡有辛氏造議者未之詳或以爲瑞參軍續咸曰王莽時物

後周書曰高琳母嘗被襖泗濱遇見一石光彩則潤遂持以歸是夜夢見一人衣冠有若仙者謂其母曰夫人向所將來之石是浮磬之精能寶持必生令子其母驚寢便舉體流汗俄而有妊及生子因名琳字季珉也

隋書曰帝令江都郡丞王世充發淮南兵擊劉元進有大流星墜於江都未及地而南逝磨拂竹木皆有聲至吳郡而落于地元進惡之令掘地入二丈得一石徑丈餘後數日失石所在

唐書曰車騎將軍劉山壽上言祖龍潛時數往來落郊之莊舍嘗踐子石靴迹見於石中至今猶在高祖令鑿之深寸餘其迹逾明乃止
又曰則天時有人於洛水中得白石數點赤詣闕輒進諸宰相詰之對曰此石赤心所以來進李昭德叱曰此石赤

心洛水中餘石豈能盡反耶左右皆笑
 又曰薛元超道衡孫也為中書舍人省有盤石初道衡為
 內史侍郎嘗踞而草制元超每見此石未嘗不泫然流涕
 又曰甘露事敗王璠舉家無少長皆死初璠在浙西繕城
 壕役人掘得方石上有十二字云山有石石有玉玉有瑕
 郎休璠視莫知其旨京口老人講之曰此石非尚書之吉
 兆也尚書祖名崆崆生礎是山有石也礎生尚書是石有
 玉也尚書之子名遐休休絕也庸非吉徵果赤族
 老子曰落落如石

列子曰昔者女媧鍊五色之石以補天淮南子又載

又曰趙襄子率徒十萬狩於山中藉芻燔林煽赫百里有
 一人從石壁中出隋烟燼上下眾謂鬼物察之人也
 孫卿子曰以桀詐桀猶有巧拙以桀詐堯若卵投石

又曰負石而走赴河行之難為者也而申徒狄能之
 闕子曰宋之愚人得燕石於梧臺之東歸而藏之以為大
 寶周客聞而觀焉主人端冕玄服以發寶華匱十重緹巾
 十襲客見之盧胡而笑曰此燕石也與瓦甓不異主人大
 怒藏之愈固
 符子曰水生石未有居山而溺者火生木未有抱樹而焦
 者

呂氏春秋曰石可破也而不可奪其堅
 淮南子曰禹娶塗山化為石在蒿山下方生啓曰歸我子
 石破北方而生啓
 又萬畢術曰埋石四隅家無鬼取蒼石四枚及桃七枚以
 四隅故
 無鬼殃
 桃弧射之乃取併埋弓矢
 抱朴子曰白石似玉姦佞似賢

又曰磁石引針

又曰浮磬息音未別於眾石

又曰燒泥為瓦燔木為炭蜂窠為蠟水沫為浮石

隋巢子曰禹產於碣石啓生於石王韶之云啓生即母化為石

六韜曰武王伐殷得二大夫而問之曰殷國將亡亦有妖

乎其一人對曰殷國常雨血雨灰雨石小者如雞子大者

如箕武王曰大哉妖也

樂資春秋傳曰秦始皇使鄭容將入函關見華山上有素

車白馬疑之鬼神熟視稍近問鄭容曰安之荅曰之咸陽

素車上人曰吾華山使願託一牘書致鑄池君所子之咸

陽道過鑄池見一大梓樹有文石以款樹當有應者即以

書與之鄭容如其言以石款梓樹有人來取書

吳越春秋曰禹案黃帝中經見聖人所記曰在乎九疑山

東南號曰宛雲承以文玉覆以盤石其書金簡玉字禹乃

退齋三日發石取書

荆楚歲時記曰張騫尋河源得一石示東方朔朔曰此石

是天上識女支機石何至於此

神仙傳曰壺公內費長房於石室中頭上有大石方數丈

以茅繩懸之諸蛇競齧且斷長房不移公撫之日子可教

矣

又曰介象字元則會稽人入山求神仙見谷有石子皆紫

色大如雞子象取二枚見一美女被服五采象叩頭乞長

生女曰急送汝手中物還着故處象送石還女授以還丹

方一首

列異傳曰豫寧女子戴氏久疾出見小石曰尔有神能差

我疾者當事汝夜夢人告之吾將祐汝後漸差遂為立祠

名石侯祠

蓋部者曰傳曰公孫述時蜀武擔山石折任文公曰西州
智士死我將死矣後三月果卒

韓詩外傳曰楚渠子夜行見寢石以為伏虎彎弓而射之
沒金飲羽下視知其石也因復射之矢摧無迹

漢書載李廣亦如之

文士傳曰魏文帝之在東宮也宴諸文學酒酣命甄后拜
坐者坐者咸伏惟劉楨平仰觀之大祖以為不敬送徒隸

簿後太祖乘步輦車乘城降闕簿作諸徒咸敬而楨坐磨
石不動太祖曰此非劉楨也石如何性楨曰石出荆山玄

巖之下外炳五色之章內秉堅貞之志彫之不增文磨之
不加瑩氣質貞正稟性自然太祖曰名豈虛哉

神仙傳曰白石生者常煮白石為糧白石山居故號曰白
石先生

穆天子傳曰天子升于采石之山於是取采石鑄以成器
于墨水之山

三齊略記曰始皇作石塘欲過海看日出處時有神人驅
石下海石去不速神輒鞭之皆流血至今石悉赤陽城山

盡起立嶷嶷東傾狀如隨行

神具神部

盛弘之荊州記曰興安縣水邊有平石其上有石櫛石履
各一具俗云越王渡溪脫履墮櫛於此

郭緣生述征記曰秦梁圮名也或云秦始皇東巡弗行舊
道過此水率百官已下人提一石以填之俄而梁成今觀

所累石無造之處也

搜神記曰常山張顥為梁相天新雨後有鳥如山鵲飛翔
入市人擲之墮地人爭取化為圓石顥椎得一金印文曰

忠孝侯印

太平御覽卷第五十一
人市人游... 太平御覽卷第五十一

太平御覽卷第五十一
太平御覽卷第五十一

太平御覽卷第五十二

地部十七

石下

西京雜記曰竇太后在家嘗有白燕銜石大如指墮后續
筐中后取石割為二其中有文曰母天地后乃合之遂不
復開後為皇后常并置璽中為天璽

又曰五鹿充宗受學於弥成子弥成子少時常有人遇己
授以文石大如鷄卵成子吞之遂大明悟為天下通儒成
子後病吐出此石授充宗充宗復吞又為明學

又曰漢武昆明池養魚往往飛去後刻石為鯨魚致水中
乃不飛去每至雷雨魚嘗鳴吼

顧凱之啓蒙記曰零陵郡有石鸞得風雨則飛去如真燕
潯湯記曰石鏡山東一圓石懸崖明淨照人毫細必察

幽明錄曰宮亭湖邊傍石間有石數枚形圓若鏡明可鑑
人謂之石鏡後人過以火燎一枚今不復明其人眼遂失
明
庾仲雍湘州記曰應陽縣蔡子池南有石白云是蔡倫紙
曰
王歆之南康記曰歸美山山石紅丹赫若采繪峩峩秀上
切霄隣景名曰女媧石大風雨後天澄氣靜聞絃管聲
拾遺記曰負嶠山東有雲石廣五百里駁落如錦扣之片
片翦然雲起
又曰魏明帝時太山下有連理文石高十一丈狀如枯樹
其文色彪發似人雕鏤自下及上皆合百余步及魏明帝
之始稍覺相近如雙闕也土石陰類魏爲土德斯爲靈徵
交州記曰有浮石山在海中虛輕可以磨脚煮飲之止渴

洞冥記曰元鼎中條支國貢馬肝石以和九轉丹有髮白
者以此石拭之應手而黑

顧野王瑞應圖曰石華者石生華也

劉澄之江州記曰興平縣蔡子池南有石穴深二百許丈
石青色堪爲書硯

蜀中記云隗叔通棘人也性至孝母每食必須江水通每
汲江中石爲之出今江中有石號孝子石

十洲記曰流洲在四海中上多積石名爲昆吾石治其石
成鐵作劍光明照洞如水精狀割玉如切泥土焉

益州記龍盤山有一石長四十丈高五丈當中有尸及扉
若人掩閉古老相傳爲玉女房

石虎鄴中記曰孟津河東去鄴城五百里有濟北郡穀城
縣有穀城山是黃石公所葬處有人登此山見崩土中有

文石石文鮮明虎使採取以治宮殿又免穀城令不奏聞故也

尋陽記日落星石在宮亭湖中周迴百餘步高五丈上生竹木

武昌記曰陶太尉廟東有盤龍石舊傳云龍盤於此石

梁州記沔陽城沔漢上十五里有諸葛武侯所鎮在漢水南背山向水門前累石以為陣

荆州圖曰宜都有穴穴有二大石相去一丈俗云其一為陽石一為陰石水旱為災鞭陽石則雨鞭陰石則晴即廩君石是也但鞭者不壽人頗畏之不肯治也

丹陽記曰石頭城西有唐顏石王敦害周伯仁之所又曰湖熟縣晉惠帝永寧二年湖中有大石去渚二百步浮來登岸百姓驚觀咸曰石來明年果有石水入楊州

裴淵廣州記曰甘泉縣平野中孤石挺起峯秀入雲連石相接無異棟宇

安城記曰石室中有素石數斛狀如雀頭甘潤虛脆殆可噉

曹叔雅異物志曰豫章有石黃白色而理疎以水灌之便熱以鼎加其上炊足以熟冷則灌之雷煥以問張華華曰然石也

漢官儀曰馬伯茅登泰山見石二枚一是武帝時石用五車載不能上因置山中為屋號五車石一是刻號記功德

立壇上

王昭之始興記曰勞口北有逃石一名靈石晉永和中有一飛仙衣冠自來憩此者旬日乃去之

盛弘之荆州記曰臨賀郡有青石上有磨刀斧迹春夏明

淨秋冬蕪穢云是雷磨石石有青苔又曰築陽粉水口有一石下測出地尺余圍可三尺色極青其上如研明可以鑑人相傳以為殞星縣西有孤石挺出其下臨潭曠有見根者如竹根

又曰樊重母畏雷為石室避之悉以石為階砌今猶存
又曰臨賀馮乘縣東五里有故縣廟相傳漢淮南王安被誅其子奔進來至一夜忽化為石人當懸門而立百姓怪而觀之其追察者手足無不瘡爛
述異記曰鏡湖俗傳軒轅氏鑄鏡於湖邊今有軒轅磨鏡石石上常潔不生蔓草

輿地志曰會稽秦望山始皇刻石前有石廣數丈云是始皇坐之石兩邊有方坐八所云是丞相已下坐石故今有丞相石之名

玄中記曰天下之强者東海之沃燠石焉方三萬里海水灌之隨盡故水東流而不盈

又曰玉門之西南有一國國中有山山上有廟國人歲歲出石磻子林切數千枚名為霹靂磻從春雷而磻滅至秋磻盡

鄱陽記曰錢倉石在饒州西一百里石形如倉因昔漁人夜宿石下忽見石中開窺其石中有錢取之盈艇而去因為名

郡國志云乞子石在馬湖南岸東石腹中出一小石西石腹中懷一小石故熨人乞子於此有驗因號乞子石
又曰思州金雞石每有雞金色鳴於石上
又曰仙人石曾有仙人飛下此石一日仙人牀
又曰協州弄棟縣蜻蛉水下有石猪峯有石猪母子數十

頭云夷人昔牧於此豬化爲石今夷人不敢於此牧
又曰儋州昌化湖明山山有二石如人形云有兄弟二人
向海捕魚因化爲石號曰兄弟石也
又曰桂州興安縣有卧石一枚其形似人而舉體青黃隱
起而謂之石人可以祈雨小舉則雨小大舉則雨大
又曰貴州有洞池周十數丈下有石牛時出池間歲旱民
殺牛祈雨以血和泥塗牛卽雨盡卽晴以爲恒
馬嶺山嶠多虺蛇毒殺人有冷石可以解之屑着瘡內卽
活
又曰梁州女郎山張魯女浣衣石上女便懷孕魯謂邪淫
乃放之後生二龍及女死將殯柩車忽騰躍昇此山遂葬
焉其水旁浣衣石猶在謂之女郎山
又曰郴州城北七十里有話石山孤石特竦仙人於此處

談話

輿地志曰南陵縣有女觀山俗傳云昔有婦人夫官於蜀
屢愆秋期憂思感傷登此騁望因化爲石如人之形所牽
狗亦爲石今狗形猶存
博物志曰鸛水鳥也伏卵時數入水卵冷取礬周圍繞卵
以助暖氣
華陽國志汶山有鹹石煎之得鹽
異苑曰晉滕放太元初枕文石枕卧忽暴雨震其所枕傍
人莫不懾而放微覺有聲
又曰永康王曠井上有一洗石時見赤氣後有二胡人寄
宿忽求買之曠惟所以未及度錢子婦孫氏觀二黃鳥鬪
於石上疾往掩取變成黃金胡人不知索市逾急旣得撞
破內止二鳥處

劉敬叔異苑曰晉武帝時吳郡臨平岸崩出一石鼓打之無聲以問張華華曰可取蜀中桐材刻作魚形扣之則鳴於是如言扣之聲聞數十里又蜀中黃泉關異物志曰夷州土無銅鐵磨礪青石以作弓矢此石砮楛矢之類也又蜀中黃泉關物理論曰土精爲石石氣之核也氣之生石猶人筋絡之生瓜瓠也又蜀中黃泉關博物志曰桃林在弘農湖縣休牛之山有石焉曰帝臺之基也五色而文狀鶉卵焉又蜀中黃泉關遊名山志曰芙蓉渚有聳石頭如初生芙蓉色皆青白山海經曰燕山多嬰石言似玉有采嬰帶所謂燕石也又曰錢來之山多洗石若澡洗可以礪去垢也又蜀中黃泉關水經注曰象林郡功曹姓區有子名連攻縣殺今自號爲

王值世亂離林邑遂立後乃襲代傳位子孫三國鼎爭未有所附吳有交土與之隣接進侵壽冷以爲壇界自區連以後國無文史先其篡代世數難詳宗胤滅絕無復種裔外孫范熊代立人情樂推後熊死子逸立有范文曰南西捲縣夷師稚夷奴也文爲奴時山邊牧羊於澗水中得兩鯉魚隱藏持歸規欲私食即知檢其魚大慙懼詐云將礪石還非爲魚也即至魚所見是兩石信之而去文始異之石有鐵文入山中就石冶鐵鍛作兩刀舉刀向鄣因呪曰鯉魚變化冶石成刀斫石鄣破者是有靈神文當治此爲國君王斫不入者是無神靈進斫石鄣如龍淵干將之斬蘆藁由是人情漸附今斫石尚在魚刀猶傳子孫又曰澧水出武陵充縣東逕臨澧零陽二縣故界水之南岸白石雙立厥狀類人高各三十丈周四丈古老相傳

言昔充縣尉與零陽尉共論封境因相傷害化而爲石
劉義慶幽明錄曰陽羨縣小吏吳龕有主人在溪南嘗以
一日掘頭舡過水溪內見一五色浮石取內床頭至夜化
成一女子也

又曰宜都建平二郡之界有五六峯參差乎出上有倚石
如二人像攘袂相對俗謂二郡督郵爭界於此

楊雄蜀本記曰秦王獻五美女於蜀王王遣五丁迎五
女見大蛇入山空中五丁引蛇山崩五女上山化爲石

又曰武都丈夫化爲女子顏色美好蓋山之精也蜀王娶
以爲妻無幾物故於成都郭中葬之以石鎖一枚徑一丈
高五尺

鄧析書曰譬猶拯溺而唾之以石救火而投之以薪

世說曰武昌陽新縣北山上有望夫石狀若人立者傳云

昔有貞婦其夫從役遠赴國難攜弱子餞送此山立望而
化爲石

兵書曰軍中地生石將可以久居

史記曰以石投水莫之逆也

雜五行書曰姑婦鬪爭取石重六十斤埋門外卽罷

荀伯子臨川記云石廩狀似倉廩其內可容千斛廩口開

則歲儉閉則年豐

又曰石龍山有巖其下有石形隱起似龍頭尾長一丈二

尺小數因以爲名

地理記云有鱗甲因號爲石龍

又曰石鼓在宜黃水邊狀如鼓形闊九尺長一丈四尺四

寸云齊丈人木夾於鼓

又云圓淨如鼓因以鼓爲名焉

又曰破石高五尺在宜黃水邊

又云有女人水次洗濯為蛟所牽入石中經數日雷擊石破見死蛟及女人屍浮出因號為破石
又曰浮石其石居汝水中心或水汎漲高岸皆沒此石居然不沒因以為名之

又曰落峭石去飛猿館一百一十五里在飛猿水巍峩嵌空數里可望即謝靈運詩云朝發悲猿嶠暮宿落峭石是其處也

始興記曰管口東岸有石四方而高可百仞其狀若臺故名臺石又林水出焉其臺旁有石室室前盤石上行列十甕皆蓋以青盆悉是銀製有人過者但得開觀而不可取取之則悶絕若死對封丘之奴竊二枚為大蛇所害即不知其所自

永嘉志云永嘉南岸有帖石乃堯之神人以破石椎將入惡溪道次置之溪側遙望有似張帆今俗號為張帆溪與天台山相接

又郡國志曰東海信即神破石為帆今東海有信郎祠即是

太平御覽卷第五十二

大正御覽

卷五十一

七

